

## විනයපිටකෙ

### පාරාජිකපාළි

#### වෙරඤ්ජකණ්ඩං

1. තෙන සමයෙන බුද්ධො භගවා වෙරඤ්ජායං විහරති නළෙරුපුච්ඡන්දමුලෙ මහතා භික්ඛුසඞ්ඝෙන සද්ධිං පඤ්චමත්තෙනි භික්ඛුසතෙනි. අස්සොසි ඛො වෙරඤ්ජො බ්‍රාහ්මණො - “සමණො ඛුද්‍ර, භො, ගොතමො සත්‍යපුත්තො සත්‍යකුලා පබ්බජිතො වෙරඤ්ජායං විහරති නළෙරුපුච්ඡන්දමුලෙ මහතා භික්ඛුසඞ්ඝෙන සද්ධිං පඤ්චමත්තෙනි භික්ඛුසතෙනි. තං ඛො පන භවත්තං ගොතමං එවං කල්‍යාණො කිත්තිසද්දෙ අබ්භුග්ගතො - ‘ඉතිපි සො භගවා අරහං සම්මාසම්බුද්ධො විජ්ජාවරණසම්පන්නො සුගතො ලොකවිදු අනුත්තරො පුරිසදම්මසාරථී සත්ථා දෙවමනුස්සානං බුද්ධො භගවා [\[භගවාති \(සයා.\), දී. නි. 1.157, අබ්භුග්ගතාකාරොපන සමෙති\]](#). සො ඉමං ලොකං සදෙවකං සමාරකං සබ්බමකං සස්සමණබ්‍රාහ්මණං පජං සදෙවමනුස්සං සයං අභිඤ්ඤ සච්ඡිකත්වා පච්චෙදෙති. සො ධම්මං දෙසෙති ආදිකල්‍යාණං මජ්ඣිකල්‍යාණං පරියොසානකල්‍යාණං සාත්ථං සබ්බඤ්ජනං; කෙවලපරිපුණ්ණං පරිසුද්ධං බ්‍රහ්මචරියං පකාසෙති; සාධු ඛො පන තථාරූපානං අරහතං දස්සනං හොති”ති.

2. [\[ඉතො පරං යාව පාරා. 15-16 පදක්ඛිණං කත්වා පක්කාමීති පාඨො අ. නි. 8.11\]](#) අථ ඛො වෙරඤ්ජො බ්‍රාහ්මණො යෙන භගවා තෙනුපසඞ්කමී; උපසඞ්කමීත්වා භගවතා සද්ධිං සම්මොදි. සම්මොදනීයං කථං සාරණීයං විනිසාරෙත්වා එකමත්තං නිසීදි. එකමත්තං නිසින්නො ඛො වෙරඤ්ජො බ්‍රාහ්මණො භගවත්තං එතදවොච - “සුතං මෙනං, භො ගොතම - ‘න සමණො ගොතමො බ්‍රාහ්මණ ජිණ්ණෙ වුඩ්ඪෙ මහල්ලකෙ අද්ධගතෙ වයොඅනුප්පත්තෙ අභිවාදෙති වා පච්චුට්ඨෙති වා ආසනෙන වා නිමන්නෙති’ති. තයිදං, භො ගොතම, තථෙව? න හි භවං ගොතමො බ්‍රාහ්මණ ජිණ්ණෙ වුඩ්ඪෙ මහල්ලකෙ අද්ධගතෙ වයොඅනුප්පත්තෙ අභිවාදෙති වා පච්චුට්ඨෙති වා ආසනෙන වා නිමන්නෙති? තයිදං, භො ගොතම, න සම්පන්නමෙවා”ති.